


黃帝內經素問補註釋文

四



黃帝內經素問卷之十四

慎士

黃帝內經素問卷之十五

終一

黃帝內經素問卷之十六

終二

黃帝內經素問卷之十七

終三

上海涵芬樓影印正統道藏本



黃帝內經素問補註釋文卷之十四

慎士

唐太僕令啓玄子王冰次註

宋光祿卿直祕閣林億等校正

宋守尚書屯田郎孫兆重改誤

平人氣象論篇

黃帝問曰平人何如

平人謂氣候平調之人也

岐伯對曰人一呼脉再動一吸脉亦再動呼
吸定息脉五動閏以大息命曰平人平人者
不病也



經脉一周於身凡長十六丈二尺呼吸脉
名再動定息脉又一動則五動也計二百
七十定息氣可環周然盡五十營以一萬
三千五百定息則氣都行八百一十丈如
是則應天常度脉氣无不及大過氣象平

候十二

調故曰平人

常以不病調病人醫不病故為病人平息以
調之為法人一呼脉一動一吸脉一動曰少
氣

呼吸脉各一動準候減平人之半計二百

七十定息氣行八丈一尺以一萬三千五百定息都行四百五丈少氣之理從此可知

人一呼脉三動一吸脉三動而躁尺熱曰病溫尺不熱脉滑曰病風脉濇曰痺

呼吸脉各三動準過平人之半計二百七十息氣凡行二十四丈三尺病生之兆由斯著矣夫尺者陰分位也寸者陽分位也然陰陽俱熱是則爲溫陽獨躁盛則風中陽也脉要精微論曰中風者陽氣受也



滑爲陽盛故病爲風濇爲无血故爲癢痺

躁謂煩躁○新校正云按甲乙經云脉

濇曰痺一句下文亦重

人一呼脉四動以上曰死脉絕不至曰死

蹀乍數曰死

慎十二

二

呼吸脉各四動準候過平人之倍計二百

七十息氣凡行三十二丈四尺况其以上

耶脉法曰脉四至曰脫精五至曰死然四

至以上亦近五至也故死矣然脉絕不至

天真之氣已无乍數乍蹀胃穀之精亦斯



此皆死之候是以下文曰○新校正云按別本斯一作敗

平人之常氣稟於胃胃者平人之常氣也常平之氣胃海致之靈樞經曰胃爲水穀之海也正理論曰穀入於胃脉道乃行

人無胃氣曰逆逆者死

逆謂反平人之候也○新校正云按甲乙經云人常稟氣於胃脉以胃氣爲本无胃氣曰逆逆者死

春胃微弦曰平

言微似弦不謂微而弦也鈎及奕弱毛石

義並同

弦多胃少曰肝病但弦無胃曰死

謂急而益勁如新張弓弦也

胃而有毛曰秋病

慎十二

毛秋脉金氣也

三

毛甚曰今病

木受金邪故今病

藏真散於肝肝藏筋膜之氣也

象陽氣之散發故藏真散也藏氣法時論



曰肝欲散急食辛以散之取其順氣

夏胃微鈞曰平鈞多胃少曰心病但鈞無胃

曰死

謂前曲後居如操帶鈞也

胃而有石曰冬病

石冬脉水氣也

石甚曰今病

火被水侵故今病

藏真通於心心藏血脉之氣也

象陽氣之炎盛也藏氣法時論曰心欲熅



食鹹以熕之取其順氣

長夏胃微熕弱曰平弱多胃少曰脾病但代
無胃曰死

謂動而中止不能自還也

熕弱有石曰冬病

石冬脉水氣也次其勝剋石當爲弦長夏
土絕故云石也

弱甚曰今病

弱甚爲土氣不足故今病○新校正云按

甲乙經弱作石



藏真濡於脾脾藏肌肉之氣也

以含藏水穀故藏真濡也

秋胃微毛曰平毛多胃少曰肺病但毛無胃
曰死

謂如物之浮如風吹毛也

慎十二

毛而有弦曰春病

四

弦春脉木氣也次其乘尅弦當爲鈞金氣
逼肝則脉弦來見故不鈞而反弦也

弦甚曰今病

木氣逆來乘金則今病



藏真高於肺以行榮衛陰陽也

肺處上焦故藏真高也靈樞經曰榮氣之道內穀爲實穀入於胃氣傳與肺流溢於中布散於外精專者行於經隧以其自肺宣布故云以行榮衛陰陽也○新校正云

按別本實一作寶

冬胃微石曰平石多胃少曰腎病但石無胃

曰死

謂如奪索辟辟如彈石也

石而有鈞曰夏病

鈎夏脉火兼上氣也次其乘尅鈎當云弱
土王長夏不見正形故石而有鈎兼其土
也

鈎甚曰今病

水受火土之邪故今病

橫十二

藏真下於腎腎藏骨髓之氣也

五

腎居下焦故云藏真下也腎化骨髓故藏
骨髓之氣也

胃之大絡名曰虛里貫鬲絡肺出於左乳下

其動應衣脉宗氣也



宗尊也主也謂十二經脉之尊主也貫鬲絡肺出於左乳下者自鬲而出於乳下乃絡肺也

盛喘數絕者則病在中

絕謂暫斷絕也

結而橫有積矣絕不至曰死

皆左乳下脉動狀也中謂腹中也

乳之下其動應衣宗氣泄也

泄謂發泄○新校正云按全元起本无此十一字甲乙經亦无詳上下文義多此十



一字當去

欲知寸口大過與不及寸口之脉中手短者

曰頭痛寸口脉中手長者曰足脛痛

短爲陽氣不及故病於頭長爲陰氣大過

故病於足

寸口脉中手促上擊者曰肩背痛

陽盛於上故肩背痛

寸口脉沉而堅者曰病在中寸口脉浮而盛

者曰病在外

沉堅爲陰故病在中浮盛爲陽故病在外



也

寸口脉沉而弱曰寒熱及疝瘕少腹痛

沉爲寒弱爲熱故曰寒熱也又沉爲陰盛
弱爲陽餘餘盛相薄正當寒熱不當爲疝
瘕而少腹痛應古之錯簡爾○新校正云

慎十二

六

按甲乙經无此十五字况下文已有寸口
脉沉而喘曰寒熱脉急者曰疝瘕少腹痛
此文衍當去

寸口脉沉而橫曰脇下有積腹中有橫積痛
亦陰氣內結也

